

San Inaziok «masokismo eta sadismo» sintomak zituela dio ikerketa batek

Santuaren biografia psikoanalitikoaren egin du Meissner josulagunak

Bostoneko W.W. Meissner josulagunak landutako 'Psikonalisia eta erlijio esperientzia' ikerketaren arabera, Loiolako San Inaziok «masokismo, sadismo eta nartzisismo» sintomak izan zituen. Terminook ez direla erdeinuzko zentzuan hartu behar dio idazle katoliko batek, era teknikoan baizik.

GASTEIZ

Sigmund Freuden teoria psikoanalitikoaren arabera egindako azterketaren berri eman zuen atzo 'Abc' egunkariak, Boston Collegeko Meissner josulagunak Loiolako San Inazioaren inguruan egindako psikobiografiaren ondorio nagusiak jasoz.

Josulagunak «masokismo, sadismo, nartzisismo eta epilepsia» sintomak ikusi ditu Loiolako santuarengan eta «maila goreneko asmo izpiritualen alde» erabili zituela erantsi du.

«Inazioaren penitentzia gogorak, nire iritziz», dio Meissnerrek, «perbertsio masokistaren moduetako bat izan ziren, haren bizitza institutuan zeukan psikebarneko gatazka isladatzen zuten heinean».

Hilabetea penitentzia eta barau egiten eman ondoren egin zuten gogo-jardunak «desio eta plazer fisikoaren iturburu den gorputzaren kontrako erasotzat» jotzen ditu josulagun psikoanalistak 'Santu baten biografia' azpititularra duen ikerketan.

Halaber, esaterako, Manresa-ko kobazuloan San Inaziok bere buruari egin zizkion mortifikazio izugarriak esker, mundutar «ego idealak» Jaungoikoaren borondatearen esanetara jartzeko erabateko jarrera bihurtarazi zuela-koan dago azterketa honen egileak.

Aita Santuarenganako obediencia ere aritzen da. «Inazioaren gogoan, neurri batean, askatasuna arriskutsua zen eta haren barneko libertatearen arriskuak erregulatze asmotan



Loiolako San Inazioaren irudia.

✓ Loiolako San Inaziok Erromako prostituzioaren erreforma gauzatze-ko egindako ahaleginen iturburua «santuaren sexualitate erreprimtua» dela dio ikerketak.

ibili zen, metodo obsesiboa, gehiegizko desioaren errepresioa, autokuzioa eta autoakusazioa bezalako tresnak lagun».

Bestalde, Loiolako San Inaziok gogor jardun zuen Erromako prostituzioaren erreforma gauzatzearen. Meissnerrek ateratako ondorioek diotenez, aipatu jokabidea sexualitate erreprimitu batetik dator.

INAZIOAREN AITA ETA AMA

Psikoanalisiaren teoriari jarraituz, San Inazio eta bere gurasoen arteko eragina zorrotz aztertu du Meissnerrek. Ildo horretatik, santuaren amaren heriotzak esplikatzeko du Loiola-

koak ageri zuen ausardia frantziarrek Iruñea inguratu eta eraso zutenean.

«Hilik egotearekiko identifikazioa da, hil egin zitaion amarengana joateko nahi inkontzientea isladatzen duena», dio Meissnerrek.

Bestetik, kanpaina militarretan parte hartzea maiz askotan zihoan aitaren kasua ere aztergai jarri eta ez dagoen aitaren inguruko teoriak baliatzen da. «Aitak, azken batez, artasun ereduaren eraman du», dio josulagunak eta aita semearengandik urrun izaten bada identifikazioak kalteak izaten dituela ondorioztatu du.

Loiolako San Inazioaren bizitzaren pasadizu guztiak arakatu eta santuaren familiaren deskribapena egiten du bestalde. «Erlijioaren tradizio sakonarekin» batera, «jarrera aristokratikoa» eta «sentsualitatea» familiak nagusi zituen zenbait ezaugarri ziren Meissnerren ustez.

Bestetik, josulagunaren lanari buruz Piers Paul Read idazle katolikoak 'The Times' egunkarian oraintsu idatzi du «sadismo» eta «masokismo» bezalako hitzak ez direla erdeinuzko zentzuan hartu behar, teoria psikoanalitikoaren era teknikoan baizik.


Epaileek ikerketa burutzeko droga zirkulazioa baimentzeko aukera dute

DONOSTIA

Iazko abenduaren 24az geroztik, instrukzio-epaileek, ministerio fiskalek, probintziako Polizia Judizialeko unitate organikoko buruek eta goi karguek, droga toxiko, estupefaziante edo gai psikotropikoen zaindutako zirkulazioa baimentzeko aukera dute, droga trafikoa ari diren pertsonak identifikatu ahal izateko balio badu.

Joaquin Gimenez Bilboko Entzutegiko lehendakariak Vasco Press albiste agentziari azaldu dionez, «zaindutako zirkulazioaren teknika, ustez droga toxiko, estupefaziante, gai psikotropikoen edota debekatutako beste hainbat sustantzien zirkulazioan murgildurik dauden pertsonak harapatzeko baliagarria da. Ondorioz, droga zirkulazioa Espainiatik atera ahal izango da eta baita atzerriko agintariei laguntza eman ere».

Era honetan, abenduaren 24az geroztik, lau artikuluko 8/1992 lege organikoaren bidez, kode penala eta droga



Jaquin Gimenez. VILLAGRAN

trafikoari dagokion judiziamendu kriminalaren legea aldatua gelditu da. Aldaketa hori, drogaren ez legezko trafikoa herrialde guztietan sortu duen kezka larriak eragin du, Joaquin Gimenezaren esanetan.

Legearen aldaketa hau gauzatu aurretik, droga trafikoa atxilotutako lagunen kasuetan, agintariek droga atzeman edota beronen zabaltea galeratzeko neurriak hartzen zituzten. Era horretan, delituan zerikusirik izan ezaketeen lagun guztiak ikerketzeko aukera baztertzeko zen.

Prud'Hombres-en sarreraren Bisautek lan sozialaren premia agertu du

L. E. / BAIONA

Beste hainbat erakunde edo instituzioen antzera, Prud'Hombres lan arazoetako auzitegi paritarioak bere sarrera ospatu du Baionan, aste honetan. Martine Bisaut CFDT sindikatuko den lehendakariak «lan sozialaren noblezia» azpimarratu zuen.

1992 urtean Baionako Prud'Hombres-eko lan auzitegiak 757 epaiketa eman zituen, aurreko urtean 295 izan zirelarik. Bisautak bere hitzaldian azaldu zuenez, «sozialak gure gizartean ez du

premiarik, hargatik justizia arloan bestela izan daiteke. Bada noblezia gizarte baten helburutzat soziala helburutzat jarritz, kolektiboaren kalteetan den individualismoaren garaian izan arren eta soziala gure helburu behar daitekeelarik gizarte zuzen eta humanoago baten egituratzeko».

58 kontseilarik osatzen dute Prud'Hombres-eko auzitegia: 29 langile eta 29 enplegatzaile. Martine Bisaut lehendakariaren alboan da Henry Forgues lehendakariordea, enplegatzaileen ordezkaria.

Autoei buruzko euskara hutsezko lehen katalogoa egin du Renaultek

DONOSTIA

Renault Euskadi taldeak bere autoei buruzko katalogoa euskara hutsez ateratu du. Honela, Renault etxea izan da era honetako ekimena hartu duena. Guzti honekin, «bezero euskaldunei beraiei hizkuntzan informazioa izateko aukera eman nahi zaie», Renault Euskadi taldeak adierazi duenez.

Era berean, katalogoa eus-

karaz argitaratzeko ekimen hau, «gure bezeroekin dugun komunikazioa gero eta zuzenagoa lortzeko urrats bat gehiago besterik ez da», Renault Euskadiren esanetan.

Frantziako auto marka honek, Hego Euskal Herriko 200 gunetan eskaintzen ditu bere zerbitzuak eta talde honek esan duenez, «euskal kulturaren edozein ekintza eta batez ere, euskara, bultzatu» nahi dute.



CANDIDA
GALARRAGA
AZPEITIA

Luis Lertxundiren alargunatza

— GOIAN BEGO —

Atzo hil zen Donostian. 83 urte zituelarik, Elizakoak eta Aita Santuaren Bedeinkapena hartu ondoren.

Seme-alabak: José Luis eta Mirari Terradillos. Mari Carmen eta Ramón Sarasola eta Maria Luisa eta Jesús Esparza; bilobak: Asier, Itziar, Igor, Aitor, Ander, Itsaso eta Izaskun; koinatu-koinatak, ilobak, lehengusuak eta gainontzeko ahaideek otoitz bat eskatzen dizute haren antzaren alde eta BIHAR, ASTELEHENA, arratsaldeko 7.30etan TRIN-TXERPEN, Karmengo Amabirjinaren eliz parrokiaren izango den hiletara etor zaitezela. Guztiok eskerrik asko aldeztu aurretik.

Donostia. 1993ko Urtarrilak 10.

Helbidea: Azkuene, 33 - 4 D

ESKELAK

ARRATSALDEKO
7AK ARTE
HARTZEN DIRA